

Қазақстан Республикасы Үкіметінің жанындағы Бәсекеге қабілеттілік жөніндегі кеңес

Қазақстан Республикасы Премьер-Министрінің
2016 жылғы 29 қыркүйектегі № 90-ө өкімі.

Қазақстан Республикасы Үкіметінің жанындағы Бәсекеге қабілеттілік жөніндегі кеңес туралы ереже

1. Жалпы ережелер

1. Қазақстан Республикасының Үкіметі жанындағы Бәсекеге қабілеттілік жөніндегі кеңес (бұдан әрі – Кеңес) мемлекеттік және жеке сектор арасындағы әріптестік қағидаттарына негізделген Қазақстан Республикасының Үкіметі жанындағы тұрақты жұмыс істейтін консультативтік-кеңесші орган болып табылады.

2. Кеңес елдің бәсекеге қабілеттілігін арттырудың негіз қалаушы қағидаттары, міндеттері мен әдістері жөнінде ұсыныстар мен ұсынымдар әзірлеу үшін құрылады.

3. Кеңес өз қызметінде Қазақстан Республикасының Конституциясы мен заңдарын, Қазақстан Республикасының өзге де нормативтік құқықтық актілерін, сондай-ақ осы Ережені басшылыққа алады.

4. Қазақстан Республикасының Ұлттық экономика министрлігі Кеңестің жұмыс органы болып табылады.

5. Кеңес отырыстары қажеттілігіне қарай өткізіледі.

2. Кеңестің міндеттері

6. Кеңестің негізгі міндеттері:

1) Қазақстанның ұлттық экономикасының бәсекеге қабілеттілігін арттыру мәселелері бойынша бірыңғай саясатты қалыптастыру және іске асыру бойынша ұсыныстар әзірлеу;

2) Қазақстанның ұлттық экономикасының бәсекеге қабілеттілігін арттырудың негіз қалаушы қағидаттары, міндеттері мен тетіктері бойынша ұсыныстар мен ұсынымдар әзірлеу;

3) базалық факторлар ("Институттар", "Инфрақұрылым", "Ақпараттық-коммуникациялық технологияларды енгізу", "Инновациялық әлеует", "Денсаулық", "Дағдылар", "Еңбек нарығы", "Макроэкономикалық тұрақтылық", "Нарық көлемі", "Бизнес серпінділігі", "Тауарлар нарығы", "Қаржы жүйесі") көрсеткіштерін жақсарту арқылы экономиканың бәсекеге қабілеттілігін арттыру жөнінде ұсыныстар әзірлеу;

4) елдің бәсекеге қабілеттілігі туралы жыл сайынғы баяндаманы қалыптастыруға қатысу болып табылады.

3. Кеңес қызметінің ұйымдастырылуы

7. Кеңес қызметінің ұйымдастырылуы және тәртібі Қазақстан Республикасы Үкіметінің 1999 жылғы 16 наурыздағы № 247 қаулысымен бекітілген Қазақстан Республикасы Үкіметінің жанындағы консультациялық-кеңесші органдар мен жұмыс топтарын құру тәртібі, қызметі мен таратылуы туралы нұсқаулыққа сәйкес жүзеге асырылады.